

Zarma - Biya Tangami Tira Hanney - SW Intro Scriptures

Luc 17:5 Diyey mo ne Rabbi se: "Ma cimbeeri tonton iri se."

Romains 10:17 Yaadin no, sanno kaŋ boro ga hangan do no boro ga du cimbeeri, sanno kaŋ boro ga hangan mo ga ti Almasihu wano.

Luc 11:1 Han fo, kaŋ Yesu go nangu fo ga te adduwa, kaŋ a te ka ban, kal a talibey ra afo ne a se: "Rabbi, m'iri dondonandi adduwa, mate kaŋ cine Yohanna na nga talibey dondonandi nd'a."

1 Timothée 2:1-4 Sintina gaa binde, ay go ga _Almasihu ganakoy_ yaamar i ma hāayaŋ te, da adduwa, da ɻwaarayyaŋ, da saabuyaŋ borey kulu se. 2 I ma te adduwa bonkooney da boro beerey se, zama iri m'iri goray te da baani laakal kanay ra, Irikoy ganayaŋ da goray hanno kulu ra. 3 Woodin no ga boori, a ga kaan mo Irikoy iri Faabakwa se, 4 nga kaŋ a miila ga ti borey kulu ma du faaba ka du ka cimo bay.

Zacharie 3:1,2 Rabbi n'ay cabe mo alfaga beero Yesuwa. A go ga kay Rabbi malayka jine, Saytan mo go ga kay a kambe ɻwaaro gaa zama nga ma Yesuwa kalima. 2 Rabbi malayka ne Saytan se mo: "Ya Saytan, Rabbi ma deeni ni gaa. Oho, Rabbi kaŋ na Urusalima suuban ma deeni ni gaa. Woone, manti tuuri nune-me no kaŋ i kaa danji ra?"

Ephésiens 6:12 Zama iri siino ga gurjay da Adam-izey bo, amma iri goono ga gurjay da koyey, da hinkoyey, da zamana wo kubay ra maykoy, da beena ra ganji laaley margey.

Ephésiens 6:10,11 Woodin banda, araŋ ma te gaabi Rabbi do d'a dabari gaabikoono ra mo. 11 Wa araŋ wongu bankaarayey daŋ, wa araŋ wongu jinayey koto. Irikoy n'i no araŋ se zama araŋ ma du ka kay ka gaaba nda Iblisi carma.

Ephésiens 6:13-17 Woodin sabbay se binde, araŋ ma wongu jinayey kulu sambu kaŋ Irikoy n'araŋ no, zama araŋ ma du ka kay zaari laaley ra. Koyne, d'a kulu ban banda, araŋ ga kay. 14 Araŋ ma kay bo! Wa cimi _sanno_ sambu, a ma ciya araŋ se guddama. Wa goy da adilitaray, a ma ciya araŋ se gande gaa kosaray. 15 Baaru Hanna ga laakal kanay daŋ _boro nda Irikoy game ra|. Wa Baaru Hanna waazuyaŋ soola haw araŋ cey gaa danga taamu cine. 16 I kulu boŋ mo, araŋ ma cimbeeri sambu, a ma ciya araŋ se danga koray cine. Kora din no araŋ ga hin ka hangaw danjikoy kulu kosaray d'a kaŋ llaala ga hay. 17 Wa sambu _araŋ_ faaba, a ma ciya araŋ se wongu fuula. Wa sambu mo Irikoy Sanno kaŋ ga ti takuba kaŋ Biya _Hanno_ n'araŋ no.

Hébreux 4:12 Zama Irikoy Sanno ya fundikooni no, gaabikooni mo no. A ga kaan ka bisa takuba, a ga gooru mo ka fay fundi nda biya game ra, wala dabey da londi game ra. A ga bine fonguyaŋey d'a miiley fayanka.

Luc 4:8 Yesu tu ka ne a se: "I n'a hantum ka ne: <Ma sududu Rabbi ni Irikoyo se, nga hinne se mo no ni ga may. "

Ephésiens 6:18 Araŋ ma adduwa te alwaati kulu mo Biya _Hanno_ ra, adduwa kulu dumi da ŋwaarayyaŋ. Araŋ ma woodin haggoy da anniya ka ŋwaarayyaŋ te mo hanantey kulu se.

1 Samuel 17:45-47 Dawda binde ne Filistanca se: "Nin wo, ni goono ga kaa ay do da takuba da yaaji da lolo, amma ay wo, ay kaa ni do Rabbi Kundeykoyo maa ra, Irikoy, Israyla wongu kunda Koyo, nga kaŋ ni kayna. 46 Hunkuna Rabbi ga ni daŋ ay kambe ra. Ay mo, ay ga ni kar, ya ni boŋo dagu ka kaa ni gaa. Hunkuna mo ay ga Filistancey wongu marga buukoy nooyandi beene curey da ganji hamey se. Zama ndunnya kulu ma bay kaŋ Irikoy go no Israyla do haray. 47 Jama wo kulu ma bay mo kaŋ Rabbi no ga faaba, kaŋ manti nda takuba wala nda yaaji bo, zama wongo ya Rabbi wane no. Nga mo g'araŋ daŋ iri kambe ra."

Luc 10:17-20 Boro wayya din ye ka kaa da farhā ka ne: "Rabbi, baa follayey go iri dabaro cire ni maa ra!" 18 Kal a ne i se: "Ay go ga Saytan guna waato kaŋ a fun beene ka kaŋ, mate kaŋ cine beene maliyan ga te d'a. 19 Guna, ay n'araŋ no dabari araŋ ma gondiyāŋ da daŋyan taamu, aran ma ibare dabaro kulu may mo. Hay kulu si no kaŋ g'araŋ maray. 20 Kulu nda yaadin, aran ma si farhā woodin sabbay se, kaŋ follayey ga may aran se. Amma aran ma farhā da kaŋ i n'araŋ maayey hantum beena ra."

2 Corinthiens 10:3-5 Amma baa kaŋ iri goono ga dira gaaham woone ra, kulu nda yaadin iri si wongu te Adam-ize alhaalo boŋ. 4 Zama iri wongu jinayey manti ndunnya wo wane yaŋ no, amma dabarikoyyaŋ no Irikoy do. I ga wongu fuwey zeeri. 5 Iri go ga borey lasaabey zeeri, da haŋ kaŋ ga beeri kulu kaŋ i n'a beerandi a ma gaaba nda Irikoy bayra. Iri go ga fonguyaŋ kulu daŋ tamtaray ra i ma Almasihu gana.

2 Timothée 1:7 Zama Irikoy mana iri no humburkumay bine, amma a n'iri no dabari nda baakasinay da boŋ hinyaŋ wane.

Matthieu 12:28,29 Amma hala day Irikoy Biya dabari no ay goono ga follayey gaaray d'a, yaadin gaa Irikoy koytara kaa aran do nooya. 29 Wala mate no boro ga te ka furo gaabikooni fu ra k'a jinay ku, da manti bora jin ka gaabikoono haw no jina? Waato din gaa no a ga hin k'a fuwo jinayey ku.

Ephésiens 1:13 Araŋ na Almasihu cimandi waato kaŋ aran maa cimi sanno, kaŋ ga ti Baaru Hanna kaŋ kande aran se faaba. Waato kaŋ aran cimandi mo, Irikoy n'aran kawaatimandi Almasihu ra da Biya Hanno, kaŋ a jin ka alkawli te ka ne nga ga no.

Actes 19:6 Waato kaŋ Bulos na nga kambey dake i boŋ, Biya Hanna zumbu i boŋ. I sintin ka salaŋ da ciine waani-waani yaŋ ka annabitaray te.

Marc 16:15-18 A ne i se mo: "Araŋ ma koy ndunnya kulu ra, ka Baaru Hanna waazu borey kulu se. 16 Boro kaŋ cimandi, kaŋ se i na baptisma te mo, a

ga du faaba, amma boro kaŋ wangu ka cimandi, i g'a zeeri ciiti ra. 17 I ga alaamey wo no cimandikoy se: i ga follayyaŋ gaaray ay maa ra, i ga salan da deene tajiyan, 18 i ga gondiyaŋ sambu. Baa i na damari haŋ, a si hay kulu te i se baa kayna. I ga kambe dake jantekomey boŋ, ngey mo ga du baani."

1 Jean 1:9 D'iri g'iri zunubey ci, nga ya naanaykoy no, adilitaraykoy mo no, a g'iri yaafa nd'iri zunubey. A g'iri hanandi mo adilitaray-jaŋay kulu gaa.

Exode 20:5 Ni ma si sududu i se, ni ma si may i se mo, zama ay, Rabbi ni Irikoy wo, ay ya Irikoy cansekom no. Ay ga izey di da ngey baabey zunubey hala zamana hinzanta da itaacanta ay konnakoy gaa.

Psaumes 109:17 Oho, a ga ba laaliyan, kal a ma ye ka kaa a gaa. A si maa albarka daŋyan kaani, kal a ma moor'a.

Juges 16:16 A ciya binde, saaya kaŋ cine waybora n'a kankam waati kulu nda nga sanney, a n'a kankam mo kal a bine sara hal a to a se fundi ciine gaa.

Ephésiens 4:26 D'araŋ bine tun, araŋ ma si zunubi te, wa si naŋ wayna ma kaŋ k'araŋ futa gar.

Romains 14:12 Yaadin no, iri boro fo kulu ga kande nga bumbo te-goyey Irikoy jine.

1 Jean 2:23 Boro kulu kaŋ goono ga Izo ze, bora din sinda Baaba _Irikoy_ mo. Boro kaŋ ga Izo seeda, a gonda Baabo mo.

Jean 14:6 Yesu ne a se: "Ay ga ti fonda nda cimo da fundi. Boro kulu si du ka to Baabo do kal ay do

Matthieu 11:28-30 Wa kaa ay do, araŋ kulu kaŋ goono ga taabi, jaraw tiŋokoyey, ay mo g'araŋ no fulanzamay. 29 W'ay calo sambu araŋ jasey gaa. Araŋ ma dondon ay do, zama ay ya lalabukoy no, kaŋ sinda boŋbeeray, araŋ ga du fulanzamay mo araŋ fundey sabbay se. 30 Zama ay calo gonda daama, ay jaraw mo si tin."

2 Corinthiens 6:2 Zama a ne: "Alwaati kaŋ ga hagu ra no ay hangan ni se, faaba zaari ra mo no ay na ni gaa." Guna, sohō no ga ti alwaato kaŋ ga hagu. Guna, sohō no ga ti faaba zaaro.

Romains 10:13 Zama: "Boro kulu kaŋ ga ce Rabbi maa gaa ga du faaba."